

պըստամբեալքս եւ յորմէ՞ ճառի: Ծանեար նախ ի գիրս, որ Հասան Ապազայ գործակալ Իփշիրին յորժամ ել և գնաց յԱրևելս, ետուն նմա զԱմիրթ ի փաշայուլթիւն. և վէզիրս ետ նմա զԲերիայ, որ և ի Դամասկոս նստէր որդին Թայարի: Եւ յորժամ ել եւ գնաց յէտրէնէ, առաքեաց նոցա պատգամ հրամանաւ արքայի թէ Եւ դուք եկես՛ջլիք զի երթիցուք ի պատերազմ: Եւ նոքա ելեալ տեսանել զպատրաստութիւն ճանապարհի, կրկին առաքէ թէ Չկայ պատերազմ, նստէ՛ք ի տեղիս ձեր. և ապա՛յ առաքէ թէ եկէ՛ք, փորձելով առնէր զայս, թէ և ի նենգութենէն: Ծանեան նոքա, և մինչդեռ էին ի ճանապարհ երկոքինս՝ ասեն ցմիմեանս. Ո՞ւր երթամք յուռկան աղուխուն, ո՞ւր երթամք ի կեր գաղանին, ո՞չ ապաքէն ամենայն աշխարհ լայ ի ձեռաց նորին. և յազգս մեր մայր չմնաց ցամաք աչօք թէ չեկաց. նաև զսիրելիս արքայի որպէս գիտէր արար, օրինակ մեզ՝ ձագլին և այլն ամենայն. առ իւր ի գնալս մեր ողջ ոչ թողու, ո՞ւր երթամք՝ ասելով միաբանէին միակամ, և համախոհիւք փոքր փոքր գային առ ի վայր և ժողովէին առ իւրեանս բազում եւ անթիւս, որք իւրեանցն էին եւ որք էին փախուցեալք ի վէզիրէս: Նա՛ և ապստամբք բազումք անթիւ զօրովք հեծելովք գային նստէին ի դաշտն որ կոչի Ոսկի՝ ոչինչ ունելով զերկիւղ: Եւ յետ այլ պատգամաց, ասէր ապա և առ թագաւորն. Տացես զվէզիրն քո եւ ոչինչ եւս մեր կամք, եւ քեզ ծառայեմք մինչև ցմահ և զոր հրամայես՝ կատարեմք ի սպառ: Եւ թագաւորն պատասխանէր, որ նստեալ էր յէտրէնէ, Գնացէ՛ք նստէք ի մանսուկս ձեր զոր տվեալ եմ ձեզ և խափանեցէք¹⁾ զխորհուրդդ, զի չէ ժամանակ տալոյ զսայ, չէ ատեն փոխելոյ, քանզի ի մէջ

1) խաբանեցէք: